

Ջուրն էլավ երես-երես

Ջուրն էլավ երես-երես, լե, լե,
 Լե, լե, լե, լե, լե, լե, լե, Լեյլա ջան,
Բազրգան, Աստված սիրես,
 Թոթվե միզարեդ, յար ջան:

Բաշ Աբարան էրթալուց,
Իմ յարին հետ կըբերես:

Ջուրն էլավ լափին-լափին, լե, լե,
 Լե, լե, լե, լե, լե, լե, լե, Լեյլա ջան,
Թափավ վըր էն քարափին,
 Թոթվե միզարեդ, յար ջան:

Ղուրբան էղնիմ իմ յարին,
Համ դուր կըգյա, համ դարդի:

Սև եմ սևավոր հավք եմ
Դեղին թևավոր հավք եմ
Ինձ բաց թողեք որ թռչեմ
Երամի սովոր հավք եմ:

Դեղին քուռակ մըջ խամին
Ոտս դրի վըր գյամին
Ըսեր եմ կառնեմ քեզի
Տեսնանք ինչ կասի ամին:



Թոնրատան առանձին ենթաբաժինները մեծ մասամբ հազարաշեն կոչվող ծածկ էին ունենում: Վերջինս հողով ծածկելիս գմբեթի ձև էր ստանում: Գմբեթները վերջանում էին երդիկներով, որոնք լուսավորության և ծուխը քաշելու համար էին: Բայց կային նաև գոմի ծածկ ունեցող թոնրատներ, որոնց երդիկներին գմբեթի ձև էին տալիս:

Գլխատունը գրեթե միակ խոհանոցն էր, որտեղ սովորաբար հաց էին թխում և եփում կերակուրներ: Այդ պատճառով էլ բոլոր ամաններն այնտեղ էին պահում: Ընդհանրապես նախ տղամարդիկ, ապա կանայք ճաշում էին

Թոնրատանը: Շատ քիչ շրջաններում տղամարդիկ ճաշում էին օդաներում,
իսկ կանայք՝ Թոնրատանը:

Գլխատունը նաև ննջարան էր: Բացառությամբ նորապսակների, ամբողջ
գերդաստանը քնում էր այնտեղ: Անկողիները փոփում էին թոնրի շուրջն
այնպես, որ ննջողների ոտքերը թոնրի կողմը լինեին:

Աղբյուրը՝ Բդոյան Վ., <<Հայ ազգագրություն>>

Նկարը՝ Շուշան Համբարձումյանի